

摘藻堂四庫全書薈要

集部

欽定四庫全書薈要卷一萬八千二百四十八

集部

御定全唐詩卷八百四十三

齊已

寄東林言之禪子

聞思相送後幽院閉苔錢使我吟還廢聞君病未痊聽
秋唯困坐怕客但佯眠可惜東窗月無寒過一年

寒節日寄鄉友

歲歲逢寒食寥寥古寺家踏青思故里垂白看楊花原

野稀疎雨江天冷澹霞滄浪與湘水歸恨共無涯

聞西蟾從弟卜巖居嶽西有寄

末句缺一字

瀑布見高低巖開巖壁西碧雲多舊作紅葉幾新題滴
瀝中疎磬嵌空半倚梯仍聞樵子徑不到前溪

寄懷西蟾師弟

蟾師有萬里八九月
一身西北風之句

萬里八九月一身西北風自從相示後長記在吟中見
說南遊遠堪懷我性同江邊忽得信迴到岳門東

撲滿子

一作咏
撲滿

祇愛滿我腹爭如滿害身到頭須撲破却散與他人
寄西川惠光大師曇域

禪月有名子相知面未曾筆精垂壁溜詩澀滴杉水蜀
國從棲泊蕪城幾廢興憶歸應寄夢東北過金陵

憶別匡山寄彭澤乾書上人

憶別匡山日無端是遠遊却迴看五老翻悔上孤舟
踏蹬三千里蹉跎二十秋近來空寄夢時到虎溪頭

又寄彭澤書公

聞君彭澤住結構近陶公種菊心相似嘗茶味不同湖
光秋枕上嶽翠夏窗中八月東林去吟香菡萏風

因覽支使孫中丞看可準大師詩序有寄

一千篇裏選三百首菁英玉尺新量出金刀舊剪成錦

江增古翠仙掌減元精

準公曾以詩道訪司空圖于華下

自此為風格

留傳諸後生

新秋病中枕上聞蟬

枕上稍醒醒忽聞蟬一聲此時知不死昨日即前生更

欲臨窗聽猶難策杖行尋應同蛻殼重飲露華清

寄雲蓋山先禪師

曾尋湘水東古翠積秋濃長老禪棲處半天雲蓋峰
閒
牀饒得石雜樹少於松近有誰堪語瀏陽妙指蹤

落葉

落多秋亦晚窗外見諸鄰世上誰驚盡林間獨掃頻
蕭
騷微月夜重疊早霜晨昨日繁陰在鶯聲樹樹春

次耒陽作

遶岳復沿湘衡陽又耒陽不堪思北客從此入南荒旦
夕多猿狖淹留少雪霜因經杜公墓惆悵學文章

舟中晚望祝融峰

天際卓寒青舟中望晚晴十年關夢寐此日向崢嶸巨
石凌空黑飛泉照夜明終當躡孤頂坐看白雲生

弔杜工部墳

鵬翅蹋於斯明君知不知城中詩價大荒外土墳卑瘴
雨無時滴蠻風有穴吹唯應李太白魂魄往來疲

嶽中寄殷處士

出嶽與入嶽前題繼後題遍尋僧壁上多在雁峰西近
說遊江寺將誰話石梯相思立高巘山下草萋萋

送幽禪師

霜繁野葉飛長老卷行衣浮世不知處白雲相待歸磬
和天籟響禪動嶽神威莫便言長往勞生待發機

觀燒

獵獵寒蕪引承風勢不還放未應有主焚去到何山焰

入空濛裏煙飛蒼莽間石中有良玉惆悵但傷顏

詠茶十二韻

百草讓為靈功先百草成甘傳天下口貴占火前名出
處春無雁收時谷有鶯封題從澤國貢獻入秦京喫覺
精新極嘗知骨自輕研通天柱響摘遠蜀山明賦客秋
吟起禪師晝卧驚角開香滿室爐動綠凝鐙晚憶涼泉
對閒思異果平松黃乾旋泛雲母滑隨傾頗貴高人寄
尤宜別匱盛曾尋修事法妙盡陸先生

寄陽岐西峰僧

西峰殘照東瀑布灑冥鴻
閒憶高牕外秋晴萬里空
藤陰藏石磴衣毳落杉風
日有誰來覓層層鳥道中

迴雁峰

瘴雨過孱顏危邊有徑盤
壯堪扶壽嶽靈合置仙壇
影北鴻聲亂青南客道難
他年思隱遯何處憑闌干

贈詢公上人

威儀何貴重一室貯冰清
終日松杉徑自多
蟲蟻行像

前孤立影鐘外數珠聲知悟修來事今為第幾生

秋興

所見背時情閒行亦獨行晚涼思水石危閣望崢嶸雨
外殘雲片風中亂葉聲舊山吟友在相憶夢應清

古寺老松

百歲禪師說先師指此松小年行道遠早見偃枝重月
檻移孤影秋亭卓一峰終當因夜電拏攫從雲龍

題無余處士書齋

閒地從莎蘚誰人愛此心
琴棋懷客遠風雪閉門深
枕外江灘響窗西樹石陰
他年衡嶽寺為我一相尋

歲暮江寺住

山依枯槁容何處見年終
風雪軍城外薰葭古寺中
孤村誰認磬極浦夜鳴鴻
坐憶匡廬隱泉聲滴半空

新燕

棲託近佳人應憐巧語新
風光華屋暖弦管牡丹晨
遠采江泥膩雙飛麥雨勻
差池自有便敢觸杏梁塵

喻吟

日用是何專吟疲即坐禪此生還可喜餘事不相便頭
白無邪裏魂清有象先江花與芳草莫染我情田

過湘江唐弘書齋

四隣無俗迹終日大開門水晚未邊雁林秋下楚猿一
家隨難在雙眼向書昏沈近騷人廟吟應見古魂

讀賈島集

遺篇三百首首首是遺寃知到千年外更逢何者論離

秦空得罪入蜀但聽猿還似長沙祖唯餘賦鵬言

寄山中諸友

自歸城裏寺長憶宿山門
終夜冥心客諸峰叫月猿
嵐光生眼力泉滴爽吟魂
只待遊方遍還來掃樹根

懷終南僧

擾擾一京塵何門是了因
萬重千疊嶂一去不來人
鳥道春殘雪蘿龕晝定身
寥寥石窗外天籟動衣巾

送二友生歸宜陽

二生俱我友清苦輩流稀
舊國居相近孤帆秋共歸
殘陽沙鳥亂疎雨島楫飛
幾宿多山處猿啼燭影微

懷從弟

孤窗燭影微何事阻吟思
兄弟斷消息山川長路歧
日沈栖鶴塢霜着叫猿枝
可想為懷抱多愁多難時

岳陽道中作

客思尋常動未如今斷魂路
歧經亂後風雪少人村
大澤鳴寒雁千峰啼畫猿
爭教此時白不上鬢鬚根

赴鄭谷郎中招遊龍興觀讀題詩坂謁七真儀
像因有十八韻

何處陪遊勝龍興古觀時詩懸大雅作殿禮七真儀遠
繼周南美彌旌拱北思雄方岳朴略後輩仰箴規對坐
苜花暖偕行藪陣隨僧條初學結朝服久慵披到處琴
碁傍登樓筆硯隨論禪忘視聽譚老極希夷照日江光
遠遮軒檜影歌觸鞋松子響窺立鶴雛癡始貴茶巡爽
終憐酒散遲放懷還把杖憇石或搯頤眺遠凝清眇吟

高動白髭風鵬心不小
蒿雀志徒卑顧我專無作於身
忘有為叨因五字解每忝重言期
捨此應休也何人更
賞之淹留仙境晚迴騎雪風吹

書李秀才壁

干戈阻上日南國寄貧居舊里
荒應盡新年病未除窗
風連島樹門逕接隣蔬
我有閒來約相看雪滿殊

聞尚顏下世

嶽僧傳的信聞在麓山
亡郡有為詩客誰來一影堂
夢

休尋灞澗跡已絕瀟湘遠憶同吟石新秋檜栢涼

薔薇

根本似玫瑰繁英剗外開香高藂有架紅落地多苔去
住閒人看晴明遠蝶來牡丹先幾日銷歇向塵埃

送隆公上人

獨攜譚柄去千里指人寰未斷生徒望難教白日閒空
江橫落照大府向西山好騁陳那孔誰云却石頑

宿簡寂觀

萬壑雲霞影千年松檜聲如何教下士容易信長生月
共虛無白香和沆瀣清間尋古廊畫記得列仙名

遇元上人

七澤過名山相逢黃落

一作葉

殘杉松開寺晚泉月話心

寒祖遍諸方禮經曾幾處看應懷出家院紫閣近長安

早梅

萬木凍欲折孤根暖獨迴前村深雪裏昨夜一枝開風

遶幽香去

一作出

禽窺素豔未明年如

一作猶

應律先發映

春臺

聽泉

落石幾萬仞冷

遠一作

聲飄遠

一作

空高秋初雨後半夜

亂山中只有照壁月更無吹葉風幾

一作昔

曾廬岳聽到

曉與僧同

送孫逸人歸廬山

獨自擔琴鶴還歸瀑布東
道遠非俗趣楊柳謾春風
草遶村程綠花盤石磴紅
他時許相覓五老亂雲中

聽李尊師彈琴

仙子弄瑤琴仙山松

一作杉

月深此聲含太古誰聽到無

心灑石霜千片歎崖泉

一作噴空瀑

萬尋何人傳指法攜向

海中峯

寄武陵徵上人

善卷臺邊寺松筠遶祖堂秋聲度風雨曉色遍滄浪白石同誰坐清吟過我狂近聞為古律雅道更重光

匡山寓居棲公

外物盡已外閒遊且自由好山逢過夏無事住經秋樹
影殘陽寺茶香古石樓何時定休講歸漱虎溪流

湘西道林寺陶太尉井

太尉遺孤井寒澄七百年未聞陵谷變終與姓名傳影
浸無風樹光含有月天林僧曉來此滿汲灑金田

寄松江陸龜蒙處士

萬卷功何用徒稱處士休閑歌太湖石醉聽洞庭秋道
在誰開口詩成自點頭中間欲相訪尋便阻戈矛

閉門

外事休關念
灰心獨閉門
無人來問我
白日有黃昏
燈
集飛蛾影
宵銷迸雪痕
中心自明了一句祖師言

看水

范蠡東浮濶
靈均北泛長
誰知遠煙浪
別有好思量
故
國門前急天涯
照一作裏忙
難收上樓興
渺漫正斜陽

寄棲白上人

萬國爭名地
吾師獨此閒
題詩招上相
看雪下南山
內

殿承恩久中條進表還常因秋貢客少得掩禪關

自題

禪外求詩妙年來鬢已秋未嘗將一字容易謁諸侯挂
夢山皆遠題名石畫幽敢言梁太子傍采碧雲流

孫支使來借詩集因有謝

冥搜從少小隨分得淳元聞說吟僧口多傳過蜀門相
尋江島上共看夏雲根坐落遲遲日新題互把論

夏日言懷

苦被流年迫衰羸老病情得歸青嶂死便共白雲生樹
枿燒爐響崖稜躡屐聲此心人信否魂夢自分明

早秋寄友生

雨多殘暑歇蟬急暮風清誰有閒心去江邊看水行河
遙紅蓼簇野澗白煙平試折秋蓮葉題詩寄竺二卿

送王秀才往松滋夏課

松滋聞古縣明府是詩家靜理餘無事歌眠盡落花江
光搖夕照柳影帶殘霞君去應相與乘船泛月華

喜聖公自武陵至

已盡滄浪興還思相楚行鬢全無舊黑詩別有新清暫
甜臨寒水時未扣靜荆囊中有靈藥終不獻公卿

假山 并序

假山者蓋懷匡廬有作也往歲嘗居東郭因夢覺
遂圖于壁迄于十秋而攢青疊碧於寤寐間宛若
捫蘿挽樹而昇彼絕頂今所作倣像一面故不盡
萬壑千巖神仙鬼怪之宅聊得解懷既而功就乃

激幽抱而作是詩終于一百八十言爾

匡廬久別離積翠杳天涯靜室曾圖峭幽亭復創竒典
衣酬土價擇日運工時信手成重疊隨心作蔽虧根盤
驚院窄頂聳訝簷卑鎮地那言重當軒未厭危巨靈何
忍擘秦政肯輕移晚覺莎煙觸寒聞竹籟吹藍灰澄古
色泥水合凝滋引看僧耒數牽吟客散遲九華渾髣髴
五老頗參差蛛網藤蘿挂春霖瀑布垂加添雙石笋映
帶小蓮池舊說雷居士曾聞遠大師紅霞中結社白壁

上題詩顧此誠徒爾勞心是妄為經營慙培塿賞翫愧
童兒會入千峰去聞蹤任屬誰

謝西川可準上人遠寄詩集

匡社經行外沃洲禪宴餘吾師還繼此後輩復何如江
上傳風雅靜中時卷舒堪隨樂天集共伴白芙蕖

秋空

已覺秋空極更堪寥泬青只應容好月爭合有妖星耿
耿高河截脩脩一雁經曾於洞庭宿上下徹心靈

與聶尊師話道

伯陽遺妙旨杳杳與冥冥說即非難說行還不易行藥
中迷九轉心外覓長生畢竟荒原上一盤蒿隴平

送相里秀才自京至却迴

夷門詩客至楚寺閉蕭騷老病語言澀少年風韻高難
於尋閩島險甚涉雲濤珍重西歸去無忘役思勞

謝人寄南榴卓子

幸附全材長良工斲器殊干林文栢有一尺錦榴無品

格宜仙果精光稱玉壺
憐君遠相寄多愧野蔬麤

寄舊居隣友

別後知何趣搜竒少客同
幾層山影下萬樹雪聲中
晚鼎烹茶綠晨厨爨粟紅
何時攜卷出世代有名公

送朱秀才歸閩

荆門來幾日欲往又囊空
遠客歸南越單衣背北風
近鄉微有雪到海漸無鴻
努力成詩業無謀謁至公

龍潭作

乍臨毛髮豎雙壁夾湍流白日鳥影過青苔龍氣浮蔽
空雲出石應禱雨翻秋四面耕桑者先聞賀有秋

依韻酬謝尊師見贈二首

師欲
調舉

南國搜竒久偏傷杜甫墳重來經漢浦又去入嵩雲舊
別人稀見新朝事漸聞莫將高尚跡閒處傲明君

嶽頂休高卧荆門訪掩扉新詩遺我別舊約與誰歸賢
路曾無滯良時肯自違明年窺日窟仙桂露霏微

送水禪再往湖中

行心寧肯住南去與誰羣
碧落高空處清秋一片雲
穿林瓶影滅背雨錫聲分
應笑遊方久龍鐘楚水濱

喜表公往楚王城

已聞人捨地結構舊基平
一面湖光白鄰家竹影清
應難尋輦道空說是王城
誰信興亡跡今未有磬聲

春雪初晴喜友生至

數日不見日飄飄勢忽開
雖無忙事出還有故人來
已盡南簷滴仍殘北牖堆
明朝望平遠相約在春臺

殘春連雨中偶作懷故人

南鄰阻杖藜
屐齒遠牀泥
漠漠門長掩
遲遲日又西
不知興味更有好詩題
還憶東林否
行苔傍虎溪

送崔判官赴歸倅

白首從顏蒼青袍去
佐官只應微俸祿
聊補舊飢寒
地說丘墟甚
民間早歎殘
春風吹綺席
賓主醉相歡

寒食日懷寄友人

萬井追寒食
閒扉獨不開
梨花應折盡
柳絮自飛來
夢

覺懷仙島吟行遶砌苔浮生已悟了時節任相催

懷巴陵舊遊

洞庭雲夢秋空碧共悠悠孟子狂題後何人更倚樓日
西來遠棹風外見平流終欲重尋去僧窗古岸頭

招乾畫上人宿話

連夜因風雪相留在寂寥禪心誰指示詩卷自焚燒語
默鄰寒漏窗扉向早朝天台若長往還渡海門潮

荆門秋日寄友人

青溪知不遠白首要難歸空想煙雲裏
春風鸞鶴飛誰論傳法偈自補坐禪衣
未謝侯門去尋常即掩扉

哭鄭谷郎中

朝衣閒典盡酒病覺難醫下世無遺恨
傳家有大詩新墳青嶂疊寒食白雲垂
長憶招吟夜前年風雪時

御定全唐詩卷八百四十三

欽定四庫全書薈要卷一萬八千二百四十九

集部

御定全唐詩卷八百四十四

齊已

題東林十八賢真堂

白藕花前舊影堂
劉雷風骨畫龍章
共輕天子諸侯貴
同愛吾師一法長
陶令醉多招不得
謝公心亂入無方
何人到此思高躅
嵐點苔痕滿粉牆

謝靈運欲入社遠
大師以其心亂不

納

題南岳般若寺

諸峰翠少中峰翠五寺名高此寺名石路險盤嵐靄滑
僧窗高倚沈寥明凌空殿閣由天設遍地杉松是自生
更有上方難上處紫苔紅蘚透崢嶸

寄廬岳僧

一聞飛錫別區中深入西南瀑布峰天際雪埋千片石
洞門一作前冰折幾株松煙霞明媚棲心地苔蘚縈紆出
世蹤莫問江邊舊居寺火燒兵劫斷秋鐘

遊谷山寺

城裏尋常見碧稜水邊朝暮送歸僧數峰雲脚垂平地
一徑松聲徹上層寒澗不生浮世物陰崖猶積去年冰
此身有底難拋事時復攜筇信步登

楚寺寒夜作

寒爐局促坐成勞暗淡燈光照二毛水寺閒來僧寂寂
雪風吹去雁嗷嗷江山積疊歸程遠魂夢穿沿過處高
畢竟忘言是吾道袈裟不稱揖蕭曹

送泰禪師歸南岳

石龕閒鑱白猿邊歸去程途

一作途程

半在船林簇曉霜離

水寺路穿新燒入山泉已尋嵐壁臨空盡却看星辰向
地懸有興寄題紅葉上不妨收拾別為編

山中寄凝密大師兄弟

一爐薪盡室空然萬象何妨在眼前時有興來還覓句
已無心去即安禪山門影落秋風樹水國光凝夕照天
借問荀家兄弟內八龍頭角讓誰先

海棠花

繁於桃李盛於梅
寒食旬前社後開
半月暄和留豔態
兩時風雨免傷摧
人憐格異詩重賦
蜨戀香多夜更來
猶得殘紅向春暮
牡丹相繼發池臺

題贈湘西龍安寺利禪師

頭白已無行脚念
自開荒寺住煙蘿
門前路到瀟湘盡
石上雲歸岳麓多
南祖衣盂曾禮謁
東林泉月舊經過
閒來松外看城郭
一片紅塵隔逝波

寄文浩百法

問欲擁
毳參禪

當時六祖在黃梅五百人中眼獨開入室偈聞傳絕唱
昇堂客謾恃多才鐵牛無用成真角石女能生是聖胎
聞說欲拋經論去莫教惆悵却空迴

謝人寄新詩集

所聞新事即戈矛欲去終疑是暗投遠客寄言還有在
此門將謂總無休千篇著述誠難得一字知音不易求
時入思量向何處月圓孤凭水邊樓

謝元願上人遠寄檀溪集

白首蕭條居漢浦清吟編集號檀溪有人收拾應如玉
無主知音只似泥入理半同黃葉句遣懷多擬碧雲題
猶能為我相思在千里封來夢澤西

寄道林寺諸友

吟興終依異境長舊遊時入靜思量江聲裏過東西寺
樹影中行上下方春色濕僧巾屨膩松花沾鶴骨毛香
老來何計重歸去千里重湖浪渺茫

贈智滿三藏

灌頂清涼一滴通大毗盧藏
遍虛空欲飛簷蔔花無盡
須待陀羅尼有功金杵力
摧魔界黑水精光透夜燈紅
可堪東獻明天子命服新
酬贊國風

謝王先輩湘中廻惠示卷軸

少小即懷風雅情獨能遺象琢
淳精不教霜雪侵玄鬢
便向雲霄換好名攜去湘江聞
鼓瑟袖未緜嶺伴吹笙
多君百首貽衰颯留把吟行訪
竺卿

荆渚寄懷西蜀無染大師兄

大為心付白崖前寶月分輝照蜀天
聖主降情延北內諸侯稽首問南禪
清秋不動驪龍海紅日無私罔象川
欲聽吾宗舊山說地邊身老楚江邊

謝武陵徐巡官遠寄五七字詩集

五字才將七字爭為君聊敢試懸衡
鼎湖菡萏搖金影蓬島鸞皇舞翠聲
還是靈龜巢得穩要湏仙子駕方行
兩邊珍重遙相惠何夕燈前畫此情

重宿舊房與愚上人靜話

曾此棲心過十冬
今來瀟灑屬生公
檀欒舊植青添翠
菡萏新栽白換紅
北面城臨燈影合
西隣壁近講聲通
不知門下趨筵士
何似當時石解空

謝南平王賜山雞

五色文章類彩鸞
楚人羅得半摧殘
金籠莫恨傷冠幘
玉粒頒慙剪羽翰
孤立影危丹檻裏
雙棲伴在白雲端
上台愛育通幽細
却放溪山去不難

荆門病中雨後書懷寄幕中知己

病根翻作憶山勞
一雨聊堪浣鬱陶
心白未能忘水月
眼青獨得見秋毫
蟬聲晚簇枝枝急
雲影晴分片片高
還憶赤松兄弟否
別來應見鶴衣毛

宿江寺

島僧留宿慰衰顏
舊住何妨老未還
身共錫聲離島外
跡同雲影過人間
曾無夢入朝天路
憶有詩題隔海山
珍重來晨渡江去
九華青裏扣松關

謝貫微上人寄示古風今體四軸

四軸騷詞書八行捧吟肌骨遍清涼
謾求龍樹能醫眼
休問圖澄學洗腸
今體盡搜初剖判
古風淳鑿未玄黃
不知誰肯降文陣
閻點旌旗敵子房

荊州貫休大師舊房

疎篁抽笋柳垂陰
舊是休公種境

一作此

吟入貢文儒來

請益出官卿
相駐過尋
右軍書畫
神傳髓
康樂文章
夢授心
銷得青城
千嶂下
白蓮標塔
帝恩深

寄谷山長老

遊遍名山祖遍尋
却來塵世渾光陰
肯將的的吾師意
擬付茫茫弟子心
豈有虛空遮道眼
不妨文字問知音
滄浪萬頃三更月
天上何如水底深

寄黃暉處士

蒙氏藝傳黃氏子
獨聞相繼得名高
鋒鏗妙奪金雞距
纖利精分玉兔毫
濡染只應親賦詠
風流不稱近方刀
何妨寄我臨池興
忍使江淹役夢勞

荆門勉懷寄道林寺諸友

榮枯得失理昭然誰數離騷更問天生下便知真夢幻
老來何必歎流年清風不變詩應在明月無蹤道可傳
珍重匡廬沃洲主拂衣拋却好林泉

荅崔校書

雪色衫衣絕點塵明知富貴是浮雲不隨喧滑迷真性
何用潺湲洗污聞北闕會拋紅駸駸東林社憶白氤氳
清吟有興頻相示欲得多慙蠹蝕文

乞櫻桃

去年曾賦此花詩，幾聽南園爛熟時。
嚼破紅香堪換骨，摘殘丹顆欲燒枝。
流鶯偷啄心應醉，行客潛窺眼亦癡。
聞說張筵就珠樹，任從攀折半離披。

寄南雅上人

曾得音書慰暮年，相思多故信難傳。
清吟何處題紅葉，舊社空懷墮白蓮。
山水本同真趣向，侯門剛有薄因緣。
他時不得君招隱，會逐南歸楚客船。

寄歐陽侍郎

時在嘉州饋遺

又聞繁總在嘉州
職重身閒倚寺樓
大象影和山面落
兩江聲合郡前流
棋輕國手知難敵
詩是天才肯易酬
畢竟男兒自高達
從來心不是悠悠

與崔校書靜話言懷

同年生在咸通裏
事佛為儒趣盡高
我已甘披祖衲
君心猶待脫藍袍
霜髭曉幾臨銅鏡
雪鬢寒疎落剃刀
出世朝天俱未得
不妨還往有風騷

謝人惠拄杖

邛州靈境產修篁九節材應表九陽造化已能分尺度
保持爭合與尋常幽林剪破清秋影高手攜來綠玉光
深謝魯儒憐潦倒欲教撐拄遠禪牀

謝秦府推官寄丹臺集

秦王手筆序丹臺不錯褒揚最上才鳳闕幾傳為匠碩
龍門曾用振風雷錢郎未竭精華去元白終存作者來
兩軸蚌胎驪頷耀枉臨禪室伴寒灰

題畫鷺鷥魚簡孫郎中

曾向滄江看不真，却因圖畫見精神。
何妨金粉資高格，不用丹青點此身。
蒲葉岸長堪映帶，荻花叢晚好相親。
思量畫得勝籠得，野性由來不戀人。

賀行軍太傅得白氏東林集

樂天歌詠有遺編，留在東林伴白蓮。
百尺典墳隨喪亂，一家風雅獨完全。
常聞荆渚通侯論，果遂吳都使者傳。
仰賀斯文歸朗鑒，永資聲政入薰弦。

韶陽徵公

曲江晴影石千株
吾子思歸夢斷初
有信北來山疊疊
無言南去雨疎疎
祖師門接園林路
丞相家同井邑居
閑野老身留得否
相招多是秀才書

將之匡岳過尋陽

帆過尋陽晚霽開
西風北雁似相催
大都浪後青堆沒
五老雲中翠疊來
此路便堪歸水石
何門更合向塵埃
遠公林下蓮池畔
箇箇高人盡有才

寄湘幕王重書記

拋擲波江舊釣磯日參籌畫廢吟詩可能有事關心後
得似無人識面時官好近聞加茜服藥靈曾說換霜髭
高才直氣平生志除却徒知即不知

宿沈彬進士書院

相期只為話篇章踏雪曾未宿此房喧滑盡消城漏滴
窗扉初掩岳茶香舊山春暖生薇蕨大國塵昏懼殺傷
應有太平時節在寒宵未卧共思量

靜院

花院相重點破苔誰心肯此話心灰好風時傍疎篁起
幽鳥晚從何處來筆硯興狂師沈謝香燈魂斷憶宗雷
浮生已問空王了箭急光陰一任催

送白處士遊峩嵎

閒身誰道是羈遊西指峩嵎碧頂頭琴鶴幾程隨客棹
風霜何處宿龍湫尋僧石磴臨天井斲藥秋崖倒瀑流
莫為寰瀛多事在客星相逐不迴休

寄顧蟾處士

好於山水

久聞為客過蒼梧
休說攜家歸鏡湖
山水顛狂應盡在
鬚毛凋落免貧無
和僧搶入雲中峭
帶鶴驅成澗底孤
春醉醒來有餘興
因人乞與武陵圖

懷金陵知舊

海門相別住荆門
六度秋光兩鬢根
萬象倒心難蓋口
一生無事可傷魂
石頭城外青山疊
北固窗前白浪翻
盡是共游題版處
有誰惆悵拂苔痕

喜得自牧上人書

吳都使者泛驚濤靈一傳書慰毳袍
別興偶隨雲水遠知音本自國風高
身依閒淡中銷日髮向清涼處落刀
聞著括囊新集了擬教誰與序離騷

驚秋

曉窗驚覺向秋風萬里心疑淡蕩中
池影碎翻紅菡萏井聲乾落綠梧桐
破除閒事渾歸道銷耗勞生旋逐空
妖殺九原狐兔意豈知丘隴是英雄

聞沈彬赴吳都請辟

長訝高眠得穩無，果隨徵辟起江湖。
鴛鴦已列樽壘貴，鷗鶴休懷釣渚孤。
白日不妨扶漢祚，清才何讓賦吳都。
可能更憶相尋夜，雪滿諸峰火一爐。

寄江夏仁公

寺閣高連黃鶴樓，簷前檻底大江流。
幾因秋霽澄空外，獨為詩情到上頭。
白日有餘閒送客，紫衣何啻貴封侯。
別來多少新吟也，不寄南宗老比丘。

中春林下偶作

淨境無人可共攜
閒眠未起日光低
浮生莫把還丹續
萬事須將至理齊
花在月明蝴蝶夢
雨餘山綠杜鵑啼
何能向外求攀折
巖桂枝條拂石梯

送劉秀才歸桑水寧觀

歸和初喜戢戈矛
乍捧鄉書感去留
雁序分飛離漢口
鵠原騫翥在鰲頭
家隣紫塞仍千里
路過黃河更幾州
應到高堂問安後
却攜文入帝京遊

寄曹松

舊制新題削復刊工夫過甚琢琅玕藥中求見黃芽易
詩裏思聞白雪難扣寂頗同心在定鑿空何止髮衝冠
夜來月苦懷高論數樹霜邊獨傍欄

酬蜀國歐陽學士

因緣劉表駐經行又聽西風墮葉聲鶴髮不堪言此世
峩嵒空約在他生已從禪祖參真性敢向詩家認好名
深愧故人憐潦倒每傳仙語下南荆

寄荆幕孫郎中

珠履風流憶富春，三千鸚鵡讓精神。
詩工鑿破清求妙，道論研通白見真。
四座共推操檄健，一家誰信買書貧。
別來鄉國魂應斷，劍閣東西盡戰塵。

謝王詹事垂訪

鳥外孤峯未得歸，人間觸類是無機。
方悲鹿軫棲江寺，忽訝輶車降竹扉。
王澤乍聞譚渙汗，國風那得話玄微。
應驚老病炎天裏，枯骨肩橫一衲衣。

題南平後園牡丹

暖披煙豔照西園翠幄朱欄護列仙玉帳笙歌留盡日
瑤臺伴侶待歸天香多覺受風光剝紅重知含雨露偏
上客分明記開處明年開更勝今年

和李書記

繁極全分青帝功開時獨占上春風吳姬舞雪非真豔
漢后題詩是怨紅遠蛟戀香拋別苑野鶯銜得出深宮
君看萬態當筵處羞殺薔薇點碎叢

謝孫郎中寄示

一念禪餘味國風早因持論偶名公久傷琴喪人亡後
忽有雲和雪唱同繩琢靜聞第象外是非間見寂寥中
時來日往緣真趣不覺秋江度塞鴻

愛吟

正堪凝思掩禪局又被詩魔惱竺卿偶凭窗扉從落照
不眠風雪到殘更皎然未必迷前習支遁寧非悟後生
傳寫會逢精鑒者也應知是詠閒情

寄懷東林寺匡白監寺

南岳別來無約後東林歸住有前緣
閒搜好句題紅葉靜斂霜眉對白蓮
雁塔影分疎檜月虎溪聲合幾峰泉
修心若似伊耶舍傳記須添十九賢

謝人惠十色花牋并棋子

陵州棋子浣花牋深愧攜來自錦川
海蚌琢成星落落吳綾隱出雁翩翩
留防桂苑題詩客惜寄桃源敵手仙
捧受不堪思出處七十餘里劍門前

夏日寓居寄友人

北遊兵阻復南還，因寄荊州病掩關。
日月坐銷江上寺，清涼魂斷剡中山。
披緇影跡堪藏拙，出世身心合向閒。
多謝扶風大君子，相思時到寂寥間。

中秋十四日夜對月上南平主人

今宵前夕皆堪翫，何必圓時始竭才。
空說輪中有天子，不知何處是樓臺。
終憂明夜雲遮却，且埽閒居坐看來。
玉兔銀蟾似多意，乍臨棠樹影裴回。

謝人惠十才子圖

丹青妙寫十才人
玉峭冰稜姑射神
醉舞離披真鸞鷲
狂吟崩倒瑞麒麟
翻騰造化山曾竭
採掇珠璣海幾貧
猶得知音與圖畫
草堂閑挂似相親

荆門病中寄懷鄉人歐陽侍郎彬

誰會荊州一老夫
夢勞神役憶匡廬
碧門雁影紛紛去
黃葉蟬聲漸漸無
口淡莫分餐氣味
身羸但覺病肌膚
可憐饌玉燒蘭者
肯慰寒偎雪夜爐

送譚三藏入京

阿闍梨與佛身同灌頂難施利濟功
持咒力須資運祚
度人心要似虛空東周路踏紅塵
裏北極門瞻紫氣中
好進梵文霑帝澤却歸天策繼真風

三藏住楚國天策寺

寄酬秦府高推官輦

天台衡嶽舊曾尋
閒憶留題白石林
歲月已殘衰颯鬢
風騷猶壯寂寥心
維山碧樹遮藏密
丹穴紅霞掩暎深
爭得相逢一攜手
拂衣同去聽玄音

叙懷寄高推官

搜新編舊與誰評自向無聲認有聲已覺愛來多廢道
可堪傳去更沾名風松韻裏忘形坐霜月光中共影行
還勝御溝寒夜水狂吟衝尹甚傷情

送朱侍御自洛陽歸閬州寧覲

尋常西望故園時幾處魂隨落照飛客路舊縈秦甸出
鄉程今遶漢陽歸已過巫峽沈青靄忽認峨眉在翠微
從此倚門休望斷交親喜換老萊衣

貽惠暹上人

經論功餘更業詩又於難裏縱天機
吳朝客見投文去
楚國僧迎著紫歸
已得聲名先振俗
不妨風雪更探微
金陵高憶恩門在
終挂雲帆重一飛

酬西蜀廣濟大師見寄

猶得吾師繼頌聲
百篇相愛寄南荆
卷開錦水霞光爛
吟入峨眉雪氣清
清楚外已甘推絕唱
蜀中誰敢共懸衡
應憐無可同無本
終向風騷作弟兄

江寺春殘寄幕中知己二首

誰遣西來負岳雲自由歸去竟何因
山龕薜荔應殘雪
江寺玫瑰又度春
早歲便師無學士
臨年却作有為人
何妨夜醮時相憶
伴醉佯狂笑老身

社蓮慚與幕蓮同
岳寺蕭條儉府雄
冷淡獨開香火裏
殷妍行列綺羅中
秋加玉露何傷白
夜醉金缸不那紅
閒憶遺民此心地
一般無染喻真空

寄玉泉實仁上人

往歲曾尋聖跡時
樹邊三遠禮吾師
敢望護法將軍記
且喜焚香弟子知
後會未期心的的
前峰欲下步遲遲
今來老劣難行甚
空寂無緣但寄詩

荆渚感懷寄僧達禪弟三首

電擊流年七十二
齒衰氣沮竟何堪
誰云有句傳天下
自愧無心寄嶺南
曉漱氣嫌通市井
晚烹香憶落雲潭
鄰峰道者應彈指
蘚剝藤纏舊石龕

十五年前會虎溪
白蓮齋後便來西
干戈時變信雖絕

吳楚路長魂不迷黃葉喻曾同我悟
碧石雲情近與誰攜
春殘相憶荆江岸一隻杜鵑頭上啼

鶴嶺僧來細話君依前高尚跡難羣
自拋南岳三生石
長傍西山數片雲丹訪葛洪無舊竈
詩尋靈觀有遺文
莫將離別為相隔心似虛空幾處分

寄孫魴秀才

郡樓東面寺牆西顏子生涯竹屋低
書案飛颺風落絮
地苔狼藉燕銜泥吟窗晚凭春篔簹
密行徑斜穿夏菜齋

別後相思頻夢到二年同此賦閒題

送李評事往宜春

蘭舟西去是通津名郡賢侯下禮頻山遍寺樓看仰岫
臺連城閣上宜春鴻心夜過鄉心亂雪韻朝飛句韻新
別有官榮身外趣月江松徑訪禪人

中春感興

春風日日雨時時寒力潛從暖勢衰一氣不言含有象
萬靈何處謝無私詩通物理行堪掇道合天機坐可窺

應是正人持造化盡驅幽細入鑪錘

早鶯

何處

一作事

經年悶

一作絕

好音暖風催出轉喬林羽毛新

刷陶潛菊喉舌初調叔夜琴藏

一作怕

雨並棲紅杏密避

人雙入綠楊深曉來枝上千般語應

一作似

共桃花說

一作

訃
舊心

酬尚顏上人

紫綬蒼髭百歲侵綠苔芳草遶堦深不妨好鳥喧高卧

切忌間人聒正吟魯鼎寂寥休辨口劫灰銷變莫宣心
還憐我有冥搜癖時把新詩過竹尋

寄倪署郎中

風雨冥冥春闇移紅殘綠滿海棠枝帝鄉久別江鄉住
椿笋何如櫻笋時海內擅名君作賦林間外學我為詩
近聞南國升南省應笑無機老病師


題鄭郎中谷仰山居

簷壁層層映水天半乘岡壠半民田王維愛甚難拋畫

支遁憐多不惜錢
巨石盡合金玉氣
亂峰深鎖棟梁煙
秦爭漢奪虛勞力
却是巢由得穩眠



御定全唐詩卷八百四十四



總校官庶吉士臣張能照

校對官中書臣張塤

謄錄貢生臣張映杓

欽定四庫全書薈要

集部

御定全唐詩卷八百四十五

六

詳校官原任主事臣李斯咏

欽定四庫全書薈要卷一萬八千二百五十

集部

御定全唐詩卷八百四十五

齊已

湘中寓居春日感懷

雁
洲
禽
野獸兩堪傷
避射驚彈各自忙
頭角任多無獬豸

羽毛雖衆讓鴛鴦
落苔紅小櫻桃熟
侵井青纖燕麥長
吟把離騷憶前事
汨羅春浪撼殘陽

瀟湘

寒清健碧遠相含珠媚根源在極南流古遶今空作島
逗山衝壁自爲潭遷來賈誼愁無限謫過靈均恨不堪
畢竟輸他老漁叟綠蓑青竹釣濃藍

寄友生

風騷情味近如何門底寒流屋裏莎曾摘園蔬留我宿
共吟江月看鴻過時危苦恨無收拾道妙深誇有琢磨
涼夜歆眠應得夢平生心肺似君多

酬答退上人

鬚鬢三分白二分一生蹤跡出人羣
嵩丘夢憶諸峰雪
衡岳禪依五寺雲
青衲幾臨高瀑濯
苦吟曾許斷猿聞
荒村殘臘相逢夜
月滿鴻多楚水濱

山中春懷

心魂役役不曾歸
萬象相牽向極微
所得或憂逢郢刃
凡言皆欲奪天機
遊深晚谷香充鼻
坐苦春松粉滿衣
何物不為狼藉境
桃花和雨更霏霏

寄鄭谷郎中

上國誰傳消息過醉眠醒坐對差我身離道士衣裳少
筆答禪師句偈多南岸郡鐘涼度枕西齋竹露冷露莎
還應笑我降心外惹得詩魔助佛魔

寄萍鄉唐稟正字

新書聲價滿皇都高卧林中更起無春興酒香薰肺腑
夜吟雲氣濕髭鬚同登水閣僧皆別共上漁船鶴亦孤
長憶前年送行處洞門殘日照菖蒲

秋夕書懷

涼多夜永擁山袍
片石閒欹不覺勞
蟋蟀遶牀無夢寐
梧桐滿地有蕭騷
平生樂道心常切
五字逢人價合高
破落西窗向殘月
露聲如雨滴蓬蒿

亂後經西山寺

松燒寺破是刀兵
谷變陵遷事可驚
雲裏乍逢新住主
石邊重認舊題名
臨函菑荒池坐亂
踏鴛鴦破瓦行
欲伴高僧重結社
此身無計捨前程

題梁賢巽公房

吳王廟側有高房，簾影南軒日正長。
吹苑野風桃葉碧，壓畦春露菜花黃。
懸燈向後惟冥默，凭案前頭即渺茫。
知有虎溪歸夢切，寺門松折社僧亡。

塘上閒作

閒行閒坐藉莎煙，此興堪思二古賢。
陶靖節居彭澤畔，賀知章在鏡池邊。
鴛鴦著對能飛繡，菡萏成羣不語仙。
形影騰騰夕陽裏，數峰危翠滴漁船。

江上望遠山寄鄭谷郎中

公時退
居仰山

危碧層層映水天，半垂岡隴下民田。
王維愛甚難拋畫，支遁高多不惜錢。
巨石盡含金玉氣，亂峰閒鎖棟梁烟。
秦爭漢奪空勞力，却是巢由得穩眠。

送人自蜀迴南遊

錦水東浮情尚鬱，湘波南泛思何長。
蜀魂已狹悲殘夜，越鳥燕鴻叫夕陽。
煙月幾般為客路，林泉四絕是吾鄉。
尋幽必有僧相指，宋杜題詩近舊房。

寄无願上人

未句缺
二字

六十八去七十歲與師年鬢不爭多誰言生死無消處
還有修行那得何開士安能窮好惡故人堪憶舊經過
會歸原上焚身後一陣灰飛也

懷瀟湘即事寄友人

浸野淫空澹蕩和十年鄰住聽漁歌城臨遠擢浮煙泊
寺近閒人泛月過岸引綠蕪春雨細汀連斑竹晚風多
可憐千古懷沙處還有魚龍弄白波

謝橘洲人寄橘

洞庭栽種似瀟湘
綠遠人家帶夕陽
霜裏露蒸千樹熟
浪圍風撼一洲香
洪崖遣後名何遠
陸績懷來事更長
藏貯待供賓客好
石榴宜稱映舟光

自貽

心中身外更何猜
坐石看雲養聖胎
名在好詩誰遂去
跡依閒處自歸來
時添瀑布新瓶水
旋換旃檀舊印灰
晴出寺門驚往事
古松千尺半蒼苔

寄益上人

長想尋君道路遙，亂山霜後火新燒。
近聞移住鄰衡岳，幾度題詩上石橋。
古木傳聲連峭壁，一燈懸影過中宵。
風騷味薄誰相愛，欹枕常多夢鮑昭。

行次宜春寄湘西諸友

幸無名利路相迷，雙履尋山上柏梯。
衣鉢祖辭梅嶺外，香燈社別橘洲西。
雲中石壁青浸漢，樹下苔錢綠遶溪。
我愛遠遊君愛住，此心他約與誰攜。

送略禪者歸南岳

林下鐘殘又拂衣，錫聲還獨向南飛。
千峰令截冥鴻處，一徑險通禪客歸。
青石上行苔片片，古杉邊宿雨霏霏。
勞生有願應回首，忍著無心與物違。

詠懷寄知己

已得浮生到老閒，且將新句擬玄關。
自知清興來無盡，誰道淳風去不還。
三百正聲傳世後，五千真理在人間。
此心終待相逢說，時復登樓看暮山。

寄吳拾遺

新竹將誰擢重輕皎然評裏見權衡非無苦到難搜處
合有清垂不朽名疎雨晚衝蓮葉響亂蟬涼抱檜梢鳴
野橋閒背殘陽立翻憶蘇卿送子卿

春晴感興

連旬陰翳曉來晴水滿圓塘照日明岸草短長邊過客
江花紅白裏啼鶯野無征戰時堪望山有樓臺煖好行
桑柘依依禾黍綠可憐歸去是張衡

謝道友拄杖

翦自南巖瀑布邊寒光七尺乳珠連持來未入塵埃路
乞與應憐老病年欹影夜歸青石澗卓痕秋過綠苔錢
他時攜上嵩峰頂把倚長松看洛川

東林寄別修睦上人

行心乞得見秋風雙履難留去住蹤紅葉正多離社客
白雲無限向嵩峰囊中自欠詩千首身外誰知事幾重
此別不能為後約年華相似逼衰容

夏日原西避暑寄吟友

熱煙疎竹古原西
日日乘涼此杖藜
閒處雨聲隨霹靂
旱田人望隔虹霓
蟬依獨樹乾吟苦
鳥憶平川渴過齊
別有相招好泉石
瑞花瑤草盡堪攜

懷匡阜

荊州連歲滯遊方
拄杖塵封六尺光
洗面有香思石溜
冥心無撓憶山牀
閒機但媿時機速
靜論須慙世論長
昨夜分明夢歸去
薜蘿幽逕遶禪房

靜坐

繩牀欹坐任崩頽
雙眼醒醒閉復開
日月更無閒裏過
風騷時有靜中來
天真自得生難捨
世幻誰驚死不迴
何處堪投此蹤跡
水邊晴去上高臺

寄湘中諸友

碧雲諸友盡黃眸
石點花飛更說無
嵐翠濕衣松接院
芙蓉薰面寺臨湖
沃洲高卧心何僻
匡社長禪興亦孤
爭似楚王文物國
金鑣紫綬讓前途

答无願上人書

鄭生驅蹇峴山迴傳得安公好信來千里阻修俱老骨
八行重疊慰寒灰春殘桃李猶開戶雪滿松杉始上臺
必有南遊山水興漢江平穩好浮杯

送胤公歸闕

西朝歸去見高情應戀香燈近聖明關令莫疑非馬辯
道安還跨赤驢行充齋野店蔬無味灑笠平原雪有聲
忍惜文章便閒得看他趨競取時名

感時

忽忽枕前蝴蝶夢悠悠覺後利名塵無窮今日明朝事
有限生來死去人終與狐狸為窟穴謾師龜鶴養精神
可憐顏子能消息虛室坐忘心最真

湖上逸人

澹蕩光中翡翠飛田田初出柳絲絲吟沿綠島時逢鶴
醉泛清波或見龜七澤釣師應識我中原逐鹿不知誰
秋風水寺僧相近一徑蘆花到竹籬

懷巴陵

垂白堪思大亂前，薄遊曾駐洞庭邊。
尋僧古寺沿沙岸，倚杖殘陽落水天。
蘭藥薦菸騷客廟，煙波晴濶釣師船。
此時欲買君山住，嬾就商人乞箇錢。

渚宮謝楊秀才自嵩山相訪

嵩峰有客遠相尋，塵滿麻衣袖苦吟。
花盡草長方閉戶，道孤身老正傷心。
紅堆落日雲千仞，碧撼涼風竹一林。
惆悵雅聲消歇去，喜君聊此暫披襟。

荆門寄沈彬

罷趨明聖嬾從知鶴氅禱襪遂性披道有靜君堪托迹
詩無賢子擬傳誰松聲白日邊行止日影紅霞裏夢思
珍重兩篇千里達去年江上雪飛時

讀陰符經

遶窗風竹骨輕安閒借陰符仰卧看絕利一源真有謂
空勞萬卷是無端清虛可保昇雲易嗜慾終知入聖難
三要洞開何用閉高臺時去凭欄干

寄吳國知舊

淮甸當年憶旅遊
衲衣撥笠外何求
城中古巷尋詩客
橋上殘陽背酒樓
晴色水雲天合影
晚聲名利市爭頭
可憐王化融融裏
惆悵無僧似惠休

移居

上台言任養疎愚
乞與西城水滿湖
吹榻好風終日有
趁涼閒客片時無
檀欒翠擁清蟬在
菡萏紅殘白鳥孤
欲問存思搜抉妙
幾聯詩許敵三都

喜彬上人見訪

高吟欲繼沃州師千里相尋問課虛殘臘江山行盡處
滿衣風雪到閒居攜來律韻清何甚趣入幽微旨不踈
莫惜天機細琢琢他時終可擬芙蓉

荊州新秋寺居寫懷詩五首上南平王

竹如翡翠侵簾影苔學琉璃布地紋高卧更無如此樂
遠遊何必愛他雲閒聽謝朓吟為政靜看蕭何坐致君
只恐老身衰朽速他年不得頌鴻勳

井梧黃落暮蟬清久駐金臺但暗驚事佛未憐諸弟子

談空爭動上公卿
合歸鳥外藏幽跡
敢向人前認好名
滿印白檀燈一醜
可能酬謝得聰明

金湯裏面境何求
寶殿東邊院最幽
栽種已添新竹影
畫圖兼列遠山秋
形容豈合親公子
章句爭堪狎士流
虛負岷峨老僧約
年年雪水下汀洲

漢江西岸蜀江東
六稔安禪教化中
託跡幸將王粲別
歸心寧與子山同
尊壘豈識曹參酒
賓客還親宋玉風
又見去年三五夕
一輪寒魄破煙空

石龕閒鎖舊居峰何事膺門歲月重五七詩中叨見遇
三千客外許踈慵迎涼蟋蟀喧閒思積雨莓苔沒屐蹤
會待英雄啟金口却教擔錫入雲松

送李秀才歸湘中

詞客攜文訪病夫因吟送別憶湘湖寒消浦溆催鴻雁
暖入溪山養鷓鴣僧向月中尋岳麓雲從城上去蒼梧
君歸為問峰前寺舊住僧房鎖在無

寄吳國西供奉

別來相憶夢多迷君住東朝我楚西
瑤闕合陪龍象位春山休記鷓鴣啼
承恩位與千官別應制才將十子齊
幾笑遠公慵送客慙懃只到寺前溪

謝人惠端溪硯

端人鑿斷碧溪澗善價爭教惜萬金
龍琢已曾經敏手研磨終見透堅心
安排得主難移動含貯隨時任淺深
保重更求裝鈿匣間將濡染寄知音

送吳先輩赴京

煙霄已遂明經第江漢重來問苦吟託興偶憑風月遠
忘機終在寂寥深千篇未聽常徒口一字須防作者心
此日與君聊話別老身難約更相尋

和西蜀可準大師遠寄之什

莫知何路去追攀空想人間出世間杜口已同居士室
傳心休問祖師山禪中不住方為定說處無生始是閒
珍重希音遠相寄亂峰西望疊孱顏

荆門暮冬與節公話別

漳河湘岸柳關頭離別相逢四十秋我憶黃梅夢南國
君懷明主去東周幾程霜雪經殘臘何處封疆過舊遊
好及春風承帝澤莫忘衰朽卧林丘

賀孫支使郎中遷居

別認公侯禮上才築金何啻舊燕臺地連東閣橫頭買
門對西園正面開不隔紅塵趨祭戟只拖珠履赴尊罍
應逢明月清霜夜間領笙歌宴此來

庭際新移松竹

三莖瘦竹兩株松瑟瑟脩脩韻且同抱節乍離新澗雪
盤根遠別舊林風歲寒相倚無塵地蔭影分明有月中
更待陽和信催促碧梢青杪看凌空

荆門寄題禪月大師影堂

澤國聞師泥日後蜀王金禮葬餘灰白蓮塔向清泉鎖
禪月堂臨錦水開西岳千篇傳古律

大師著西岳集三十卷盛傳于世

南宗一句印靈臺不堪隻履還西去葱嶺如今無使迴

賀雪

上清凝結下乾坤為瑞為祥表致君日月影從光外過
山河形向靜中分歌揚郢路誰同聽聲灑梁園客共聞
堪想畫堂簾卷次輕隨舞袖正紛紛

荊州寄貫微上人

舊齋休憶對松關各在王侯顧遇間命服已霑天渥澤
衲衣猶擁祖爛斑相思莫救燒心火留滯難移壓腦山
得失兩途俱不是笑他高卧碧孱顏

送休師歸長沙寧覲

高堂親老本師存多難長懸兩處魂已說戰塵消漢口
便隨征櫂別荆門晴吟野濶無耕地晚宿灣深有釣村
他日更思衰老否七年相伴琢詩言

江上夏日

無處清陰似剡溪火雲奇崛倚空齊千山冷疊湖光外
一扇涼搖楚色西碧樹影疎風易斷綠蕪平遠日難低
故園舊寺臨湘水斑竹煙深越鳥啼

渚宮春日因懷有作

舊業樹連湘樹遠家山雲與嶽雲平僧來已說無耕釣
鴈去那知有弟兄客思莫牽蝴蝶夢鄉心自憶鷓鴣聲
沙頭南望堪腸斷誰把歸舟載我行

松化為石

近聞金華山
古松化為石

盤根幾聳翠崖前却偃凌雲化至堅乍結精華齊永劫
不隨凋變已千年逢賢必用鑄辭立遇聖終將刻印傳
肯似荆山鑿餘者蘚封頑滯卧嵐煙

寄澧陽吳使君

南客西來話使君
涪陽風雨變行春
四鄰耕釣趨仁政
千里煙花壓路塵
去獸未勝除狡吏
還珠爭似復逋民
紅蘭浦暖攜才子
爛醉連題賦白蘋

湘江送客

湘江秋色湛如冰
楚客離懷暮不勝
千里碧雲聞塞鴈
幾程青草見巴陵
寒濤響疊晨征櫓
岸葦叢明夜泊燈
鸚鵡洲邊若回首
為思前事一捫膺

暮遊岳麓寺

寺樓高出碧崖稜城裏誰知在上層初雪灑來喬木暝
遠禽飛過大江澄閒消不睡憐長夜靜照無言謝一燈
回首何邊是空地四村桑麥遍丘陵

林下留別道友

住亦無依去是閒何心終戀此林間片雲孤鶴東西路
四海九州多少山靜坐趁涼移樹影興隨題處著苔斑
秋來洗浣行衣了還爾鄰僧舊竹關

道林寺居寄岳麓禪師二首

門前石路徹中峰樹影泉聲在半空尋去未應勞上下
往來殊已倦西東髭根盡白孤雲並心跡全忘片月同
長憶高窗夏天裏古松青檜午時風

山袍不稱下紅塵各是閒居島外身兩處煙霞門寂寂
一般苔蘚石磷磷禪關悟後寧疑物詩格玄來不傍人
月照經行更誰見露華松粉點衣巾

亂後江西過孫魴舊居因寄

舊遊重到倍悲涼吟憶同人倚寺牆何處暮蟬喧逆旅

此中山鳥噪垂楊寰區有主權兵器風月無人掌桂香
欲寄此心空北望塞鴻天末失歸行

宜春江上寄仰山長老二首

水隔孤城城隔山水邊時望憶師閒清泉白日中峰上
落日半空栖鳥還雲影觸衣分朵朵雨聲吹磬散潺潺
傳心莫學羅浮去後輩思量待扣關

雨晴天半碧光流影倒殘陽濕郡樓絕頂有人經劫在
浮生無客暫時遊窗開萬壑春泉亂塔鎖孤燈萬木稠

欲爲吾師拂衣去白雲紅葉又新秋

螢

透窗穿竹住還移萬類俱閒始見伊難把寸光藏暗室
自持孤影助明時空庭散逐金風起亂葉爭投玉露垂
後代儒生嬾收拾夜深飛過讀書帷

湘中送翁員外歸閩

船滿琴書與酒杯清湘影裏片帆開人歸南國鄉園去
鴈逐西風日夜來天勢漸低分海樹山程欲盡見城臺

此身未別江邊寺猶看星郎奉詔迴

寄居道林寺作

嵐濕南朝殿塔寒此中因得謝塵寰已同庭樹千株老
未負溪雲一片閒石鏡舊遊臨皎潔岳蓮曾上徹孱顏
如今衰颯成多病黃葉風前晝掩關

沙鷗

暖傍漁船睡不驚可憐孤潔似華亭晚來灣浦衝平碧
晴過汀洲拂淺青翡翠靜中修羽翼鴛鴦閒處事儀形

何如飛入漢宮裏留與興亡作典經

和翁員外題馬太傅宅賈相公井

飛塵不敢下相干閣脉傍應潤牡丹心任短長投玉綆
底須三五暎金盤神工舊製泓澄在天澤時加澍灑寒
太傅欲旌前古事星郎屬思久憑欄

看雲

何峰觸石濕苔錢便逐高風離瀑泉深處卧來真隱逸
上頭行去是神仙千尋有影滄江底萬里無蹤碧落邊

長憶舊山青壁裏，遶菴閒伴老僧禪。

對雪寄荆幕知己

猛勢微開萬里清，月中看似日中明。
此時鷗鷺無人見，何處關山有客行。
郢唱轉高誰敢和，巴歌相顧自銷聲。
江齋卷箔含毫久，應想梁王禮不經。

送相里秀才赴舉

兩上東堂不見春，文明重去有誰親。
曾逢少海尊前客，舊是神仙會裏人。
已遂風雲催化羽，却將雷電助燒鱗。

明年自此登龍後回首荆門一路塵

荆門疾中喜謝尊師自南嶽來相里秀才自京
至

閒堂晝卧眼初開強起徐行遶砌苔鶴斃人從衡嶽至
鶉衣客自洛陽來坐聞鄰樹栖幽鳥吟覺江雲發早雷
西笑東遊此相別兩途消息待誰迴

吟興自述

前習都由未盡空生知雅學妙難窮一千首出悲哀外

五十年銷雪月中興去不妨歸靜慮情來何止發真風
曾無一字干聲利豈媿操心負至公

送謝尊師自南嶽出入京

曾聽鹿鳴逢世亂因披羽服隱衡陽幾多事隔丹霄興
三十年成兩鬢霜芝朮未甘銷勇氣風騷無那激剛腸
中朝舊有知音在可是悠悠入帝鄉

送司空學士赴京

弘文初命下江邊難戀沙鷗與釣船藍綬乍稱新學士

白衫初脫舊神仙
龍山送別風生路
鷄樹從容雪照筵
重謁往年金榜主
便將才術佐陶甄

御定全唐詩卷八百四十五

欽定四庫全書薈要卷一萬八千二百五十一

其部

御定全唐詩卷八百四十六

齊已

春寄尚顏

含桃花謝杏花開
杜宇新啼燕子來
好事可能無分得
名山長似有人催
簷聲未斷前旬雨
電影還連後夜雷
心跡共師爭幾許
似人嫌處自遲迴

寄梁先輩

慈恩塔下曲江邊別後多應夢到仙時去與誰論此事
亂來何處覓同年陳琳筆硯甘前席角里煙霞待共眠
愛惜麻衣好顏色未教朱紫污天然

荆渚偶作

無味吟詩即把經竟將疎野訪誰行身依江寺庭無樹
山遶天涯路有兵竹瓦雨聲漂永日紙窗燈焰照殘更
從容一覺清涼夢歸到龍潭掃石枰

城中晚夏思山

葛衣霑汗功雖健紙扇搖風力甚卑苦熱恨無行脚處
微涼喜到立秋時竹軒靜看蜘蛛挂莎徑閒聽蟋蟀移
天外有山歸即是豈同遊子暮何之

憶舊山

誰請衰羸住北州七年魂夢舊山丘心清檻底瀟湘月
骨冷禪中太華秋高節未聞馴虎豹片言何以傲王侯
應須脫灑孤峰去始是分明箇剃頭

寄體休

南州君去為尋醫病色應除似舊時久別莫忘廬阜約
却來須有洞庭詩金陵往歲同窺井峴首前秋共讀碑
兩處山河見興廢相思更切卧雲期

過陸鴻漸舊居

陸生自有傳於井石又云
行坐誦佛書故有此句

楚客西來過舊居讀碑尋傳見終初佯狂未必輕儒業
高尚何妨誦佛書種竹岸香連菡萏煮茶泉影落蟾蜍
如今若更生來此知有何人贈白驢

時太守
贈白驢

寄懷鍾陵舊遊因寄知己

洗井僧來說舊遊
西江東岸是城樓
昔年淹跡因王化
長日憑欄看水流
真觀上人棲樹石
陳陶處士在林丘
終拖老病重尋去
得到匡廬死便休

遣懷

病腸休洗老休醫
七十能饒百歲期
不死任還蓬島客
無生自有雪山師
浮雲聚散俱闕慮
明月相逢好展眉
既兆未萌閒酌度
不如中抱是尋思

懷武陵因寄幕中韓先輩何從事

武陵嘉致跡多幽每見圖經恨白頭溪浪碧通何處去
桃花紅過郡前流常聞相幕鴛鴻興日向神仙洞府遊
鑿井耕田人在否如今天子正徵搜

贈樊處士

小子聲名天下知滿簪霜雪白麻衣誰將一著爭先後
共向長安定是非有路未曾迷日用無貪終不亂天機
閒尋道士過仙觀賭得黃庭兩卷歸

荆渚逢禪友

澤國相逢話一宵
雲山偶別隔前朝
社思匡岳無宗炳
詩憶揚州有鮑昭
晨野黍離春漠漠
水天星燦夜遙遙
閒吟莫忘傳心祖
曾立堦前雪到腰

送僧歸洛中

赤日彤霞照晚坡
東州道路興如何
蟬離楚柳鳴猶少
葉到嵩雲落漸多
海內自爲閒去住
關頭誰問舊經過
叮嚀與訪春山寺
白樂天真在也麼

道林寓居

秋泉一片樹千株暮汲寒燒外有餘青嶂這邊來已熟
紅塵那畔去應疎風騷未肯忘雕琢瀟灑無妨更剝除
即問沃州開士僻愛禽憐駿意何如

仙掌

峭形寒倚夕陽天毛女蓮花翠影連雲外自爲高出手
人間誰合鬪揮拳鶴拋青漢來巖檜僧隔黃河望頂煙
晴露紅霞長滿掌只應栖託是神仙

中秋月

空碧無雲露濕衣
羣星光外湧清規
東樓一作林莫礙漸

高勢四海待

一作正

看當午

一作路

時還許分明吟
皓魄肯

教幽暗取丹枝
可憐半夜嬋娟影
正對五侯殘酒池

一作

卮

送禪者遊南岳

忽隨南樾去衡陽
誰住江邊樹下房
塵夢是非都覺了
野雲心地更何妨
漸臨瀑布聽猿思
却背岫巉有鴈行
想到中峰上層寺
石窗秋霽見瀟湘

聞道林諸友嘗茶因有寄

槍旗冉冉綠叢園
穀雨初晴叫杜鵑
摘帶嶽華蒸曉露
碾和松粉煮春泉
高人夢惜藏巖裏
白碓封題寄火前
應念苦吟耽睡起
不堪無過夕陽天

將歸舊山留別錯公

舊峰前昨下來時
白石叢叢間紫薇
章句不堪歌有道
溪山只合退無機
雲含暖態晴猶在
鶴養閒神晝不飛
欲去更思過丈室
二年頻此揖清暉

聞尚顏上人初居有寄

麓山南面橘洲西，別構新齋與竹齊。
野客已聞將鶴贈，江僧未說有詩題。
窗臨杳靄寒千嶂，枕遍潺湲月一溪。
可想乍移禪一作吟榻處，松陰冷濕壁新泥。

庚午歲九日作

門底秋苔嫩似藍，此中消息興何堪。
亂離偷過九月九，頭尾筭來三十三。
雲影半晴開夢澤，菊花微暖傍江潭。
故人今日在不在，胡鴈背風飛向南。

逢進士沈彬

欲話趨時首重騷，因君倍惜剃頭刀。
千般貴在能過達，一片心閒不那高。
山疊好雲藏玉鳥，海翻狂浪隔金鰲。
時應記得長安事，曾向文場屬思勞。

聞王員外新恩有寄

欲退無因貴逼來，少儀官美右丞才。
青袍早許淹花幕，霜簡方聞謝柏臺。
金諾靜宜資講誦，玉山寒稱奉尊罍。
西峰有客思相賀，門隔瀟湘雪未開。

秋夕言懷寄所知

休問蒙莊材不材孤燈影共傍寒灰忘筌話道心甘死
候體論詩口嬾開窗外風濤連建業夢中雲水憶天台
相疎却是相知分誰訝經年一度來

答禪者

五老峰前相遇時兩無言語只揚眉南宗北祖皆如此
天上人間更問誰山衲靜披雲片片鐵刀涼削鬢絲絲
閒吟莫學湯從事拋却袈裟負本師

寄尚顏

公受徐州薛尚書見知

莫向孤峰道息機有人偷眼羨吾師
滿身光化年前寵幾軸開平歲裏詩
北闕故人隨喪亂南山舊寺在參差
清吟但憶徐方政應恨當時不見時

梓栗杖送人

禪家何物贈分襟只有天台杖一尋
拄去客歸青洛遠採來僧入白雲深
遊山曾把探龍穴出世期將指佛心
此日江邊贈君後却攜筇杖向東林

寄朗陵二禪友

瀟湘曾宿話詩評荆楚連秋阻野情
金錫罷遊雙鬢白
鐵盃終守一齋清
篇章老欲齊
高手風月閒
思到極精
南望山門石何處
滄浪雲夢浸天橫

燈

幽光耿耿草堂空
窗隔飛蛾恨不通
紅燼自凝清夜朶
赤心長謝碧紗籠
雲藏水國城臺裏
雨閉松門殿塔中
金屋玉堂開照睡
豈知螢雪有深功

寄金陵幕中李郎中

龍門支派富才能年少飛翔便大鵬
久待尊壘臨鐵甕
又從旌節鎮金陵精神一隻秋空鶴
騷雅千尋夏井冰
長憶相招宿華館數宵忘寢盡寒燈

寄韓蜕秀才

松門高不似侯門
蘚逕鞋蹤觸處分
遠事即為無害鳥
多閒便是有情雲
那憂寵辱來驚我
且寄風騷去敵君
和伴李膺琴酒外
絳紗閑卷共論文

湘中春興

雨歇江明苑樹乾，物妍時泰恣遊盤。
更無輕翠勝楊柳，盡覺濃華在牡丹。
終日去還拋寂寞，遠池迴却凭欄干。
紅芳片片由青帝，忍向西園看落殘。

送錯公栖霞公南遊

洪偃湯休道不殊，高帆共載興何俱。
北京喪亂離丹鳳，南國煙花入鷓鴣。
明月團圓臨桂水，白雲重疊起蒼梧。
威儀本是朝天子，暫向遼荒住得無。

寄南岳諸道友

南望衡陽積瘴開，去年曾踏雪遊迴。
謾為楚客蹉跎過，却是邊鴻的當來。
乳竇孤明含海日，石橋危滑長春苔。
終尋十八高人去，共坐蒼崖養聖胎。

送韓蛻秀才赴舉

槐花館驛暮塵昏，此去分明吏部孫。
才器合居科第首，風流幸是縉紳門。
春和洛水清無浪，雪洗高峰碧斷根。
堪想都人齊指點，列仙相次上崑崙。

溪居寓言

秋蔬數壠傍潺湲，頗覺生涯異俗緣。
詩興難窮花草外，野情何限水雲邊。
蟲聲遠屋無人語，月影當松有鶴眠。
寄向東溪老樵道，莫催丹桂博青錢。

遣懷

詩病相兼老病深，世醫徒更費千金。
餘生豈必虛拋擲，未死何妨樂詠吟。
流水不迴一作休歎息，白雲無跡莫

追尋。閒身自有閒消處，黃葉清秋一作風蟬一林。

自湘中將入蜀留別諸友

中鳥初隨入蜀船
風帆吼過洞庭煙
七千里路到何處
十二峰雲更那邊
巫女暮歸林浙瀝
巴猿吟斷月嬋娟
來年五月峨眉雪
坐看消融滿錦川

寄匡阜諸公二首

松頭栢頂碧森森
虛檻寒吹夏景深
靜社可追長往跡
白蓮難問久修心
山圍四面纔容寺
月到中宵始滿林
爭學忘言住幽勝
吾師遺集盡清吟

峰前林下東西寺地角天涯來往僧泉月淨流閒世界
杉松深鎖盡香燈爭無大士重修社合有諸賢更服膺
曾寄鄰房掛餅錫雨聞巖溜解春冰

送人入蜀

何必閒吟蜀道難知君心出嶮巖間尋常秋泛江陵去
容易春浮錦水還兩面碧懸神女峽幾重青出丈人山
文君酒市逢初雪滿貫新沽洗旅顏

酬廬山張處士

髮枯身老任浮沉
嬾泥秋風更役吟
新事向人堪結舌
舊詩開卷但傷心
苔牀卧憶泉聲遠
麻履行思樹影深
終謝柴桑與彭澤
醉遊閒訪入東林

寄峴山道人

鳳門高對鹿門青
往歲經過恨未平
辯昂上人方話道
卧龍丞相忽追兵
爐峰已負重迴計
華嶽終懸未去情
聞說東周天子聖
會搖金錫却西行

送王處士遊蜀

又挂寒帆向錦川木蘭舟裏過殘年自修姹姹爐中物
擬作飄飄水上仙三峽浪喧明月夜萬州山到夕陽天
來年的有荆南信迴札應緘十色牋

懷金陵李推官僧自牧

秣陵長憶共吟遊儒釋風騷道上流蓮幕少年輕謝朓
雪山真子鄙湯休也應有作懷清苦莫謂無心過白頭
欲附別來千萬意病身初起向殘秋

寄尋萍公

聞在湓城多寄住隨時談笑渾塵埃孤峰恐憶便歸去
浮世要看還下來萬頃野煙春雨斷九條寒浪晚窗開
虎溪橋上龍潭寺曾此相尋踏雪迴

得李推官近寄懷

荆門前歲使乎迴求得星郎近制來連日借吟終不已
一燈忘寢又重開秋風漫作牽情賦春草真為入夢才
堪笑陳宮諸狎客當時空有箇追陪

對菊

蝶醉風狂半折時
冷煙清露壓離披
欲傾琥珀盃
浮爾好把茱萸朵
配伊孔雀毛衣
應者是鳳凰金翠
更無之何因栽向僧園裏
門外重陽過不知

憶東林因送二生歸

好向東林度此生
半天山脚寺門平
紅霞嶂底潺潺色
清夜房前瑟瑟聲
偶別十年成瞬息
欲求千里阻刀兵
可憐二子同歸興
南國煙花路好行

渚宮西城池上居

城東移錫住城西綠遶春波引杖藜翡翠滿身衣有異
鷺鷥通體格非低風搖柳眼開煙小暖逼蘭芽出土齊
猶有幽深不相似剡溪乘櫂入耶溪

中秋夕愴懷寄荆幕孫郎中

白蓮香散沼痕乾綠篠陰濃蘚地寒年老寄居思隱切
夜涼留客話時難行僧盡去雲山遠賓鴈同來澤國寬
時謝孔璋操檄外每將空病問衰殘

酬湘幕徐員外見寄

東海儒宗事業全
冰稜孤峭類神仙
詩同李賀精通鬼
文擬劉軻妙入禪
珠履早曾從相府
玳簪今又別官筵
篇章幾謝傳西楚
空想雄風度十年

寄蜀國廣濟大師

冰壓霜壇律格清
三千傳授盡門生
禪心盡入空無跡
詩句閒搜寂有聲
滿國繇華徒自樂
兩朝更變未曾驚
終思相約岷峨去
不得攜筇一路行

答獻上人卷

衲衣禪客袖篇章江上相尋共感傷秦甸亂來栖白沒
杼山空後皎然亡清留島月秋凝露苦寄巴猿夜叫霜
珍重南宗好才子灰心冥目外無妨

寄武陵貫微上人二首

知泛滄浪櫂未還西峰房鎖夜潺潺春陪相府遊仙洞
雪共賓寮對玉山詩裏幾添新菡萏衲痕應換舊爛斑
莫忘一句曹溪妙堪塞孫孫騁度關

吳頭東面楚西邊雲接蒼梧水浸天兩地別離身已老

一言相合道休傳風騷妙欲凌春草蹤跡閒思遶嶽蓮
不是傲他名利世吾師本在雪山巔

懷體休上人

仲宣樓上望重湖君到瀟湘得健無病遇何人分藥餌
詩逢誰子論功夫杉蘿寺裏尋秋早橘柚洲邊度日晡
許送自身歸華嶽待來朝暮拂筍盂

招湖上兄弟

去歲得君消息在兩憑人信過重湖忍貪風月當年少

不寄音書慰老夫藥鼎近聞傳祕訣詩門曾說擁寒爐
漢江江路西來便好傍扁舟訪我無

江居寄關中知己

多病多慵漢水邊流年不覺已皤然舊栽花地添黃竹
新陷盆池換白蓮雪月未忘招遠客雲山終待去安禪
八行書札君休問不似風騷寄一篇

中秋十五夜寄人

高河瑟瑟轉金盤
散露吹光逆凭欄
四海魚龍精魄冷

五山鸞鶴骨毛寒，今宵盡向圓時望。
後夜誰當缺處看，何事清光與蟾兔。
却教才小少留難。

謝人自鍾陵寄紙筆

故人猶憶苦吟勞，所惠何殊金錯刀。
霜雪剪裁新剡硯，鋒鋟管束本宣毫。
知君倒篋情何厚，借我臨池價斗高。
詞客分張看欲盡，不堪來處隔秋濤。

移居西湖作二首

火雲陽焰欲燒空，小檻幽窗想舊峰。
白汗此時流枕簟，

清風何處動杉松
殘更好眠涼月遠
寺俄聞報曉鐘
只待秋聲滌心地
衲衣新洗健形容

官園樹影晝陰陰
咫尺清涼莫浣心
桃李別教人主掌
煙花不稱我追尋
蜩螿晚噪風枝穩
翡翠閒眠宿處深
爭似出塵地行止
東林苔徑入西林

題玉泉寺

高韻雙懸張曲江
聯題無是孟襄陽
後人才地誰稱短
前輩經天盡負長
勝景飽於閒采拾
靈蹤銷得正思量

時移兩板成塵跡，猶挂吾師舊影堂。

看金陵圖

六朝圖畫戰爭多，最是陳宮計數訛。
若愛蒼生似歌舞，隋皇自合恥干戈。

寄南嶽秦禪師

江頭默想坐禪峰，白石山前萬丈空。
山下獵人應不到，雪深花鹿在菴中。

片雲

水底分明天上雲可憐形影似吾身何妨舒作從龍勢
一雨吹銷萬里塵

寄清溪道者

萬重千疊紅霞嶂夜燭朝香白石龕常寄溪窗凭危檻
看經影落古龍潭

病中勉送小師往清涼山禮大聖

豐衣足食處莫住聖跡靈蹤好遍尋忽遇文殊開慧眼
他年應記老師心

謝人惠拄杖

何處雲根採得來，黑龍狂欲作風雷。
知師念我形骸老，教把經行拄綠苔。

送楚雲上人往南岳刺血寫法華經

剝皮刺血誠何苦，欲寫靈山九會文。
十指瀝乾終七軸，後來求法更無君。

送胎髮筆寄仁公

內唯胎髮外一作秋毫綠玉新，裁管束牢老病手。
疼無

那爾却資年少寫風騷

謝西川曇域大師玉筋篆書

玉筋真文久不興
李斯傳到李陽冰
正悲千載無來者
果見僧中有箇僧

偶作寄王秘書

七絲湘水秋深夜
五字河橋日暮時
借問秘書郎此意
靜彈高詠有誰知

謝人惠紙

烘焙幾工成曉雪輕明百幅疊春冰何消才子題詩外
分與能書貝葉僧

答文勝大師清柱書

纔把文章干聖主便承恩澤換禪衣應嫌六祖傳空一作

空衲一作永只向曹溪求一作息機

寄懷曾口寺文英大師一本無曾口寺三字

著紫袈裟名已貴吟紅菡萏價無高秋風曾憶西遊處

門對平湖滿白濤

懷道林寺道友

一本無道
友二字

四絕堂前萬木秋，碧參差影壓湘流。
闕思宋杜題詩板

一日

一作上

憑欄到夜休

辭主人絕句四首

放鶴

華亭來

一作又

復去芝田丹頂霜毛性可憐，
縱與乘軒終

悞主不如還放却

一作去

遼天

放猿

堪憶春雲十二峰野桃山杏摘香紅
王孫可念愁金鎖
從一作縱放斷腸明月中


放鷺鷥

白萍紅蓼碧江涯日暖雙雙立
睡時顧揭金籠放歸去
却隨沙鶴鬪輕絲

放鸚鵡

隴西蒼巘結巢高本爲無人識
翠毛今日籠中強言語
乞歸天外啄含桃

御定全唐詩卷八百四十六



總校官庶吉士臣張能照

校對官中書臣張頊

謄錄舉人臣王會燕

欽定四庫全書薈要

集部

御定全唐詩卷八百

四十七至
五十一

欽定四庫全書薈要卷一萬八千二百五十二

集部

御定全唐詩卷八百四十七

齊已

猛虎行



磨爾牙錯爾爪狐莫威兔莫狡飢來吞噬助腸飽橫行
不怕日月明皇天產爾爲生獐前村半夜聞吼聲何人
按劍燈熒熒

西山叟

西山中多狼虎去歲傷兒復傷婦官家不問孤老身還
在前山山下住

君子行

聖人
不生麟龍何瑞梧桐不高鳳凰何止吾聞古之有
君子行藏以時進退求已榮必爲天下榮恥必爲天下
恥苟進不如此退不如此樂府詩集無此四字亦何必用虛僞之
文章取榮名而自美

善哉行

大鵬刷翮謝溟渤青雲萬層高突出下視秋濤空渺瀰
舊處魚龍皆細物人生在世何容易眼濁心昏信生死
願除嗜慾待身輕攜手同尋列仙事

日日曲

日日日東上日日日西沒任是神仙容也須成朽骨浮
雲滅復生芳草死還出不知千古萬古人葬向青山為
底物

耕叟

春風吹蓑衣暮雨滴箬笠夫婦耕共一作且勞兒孫飢對

泣田園高且瘦賦稅重復急官倉鼠雀羣共一作只待新

租入

苦熱行

離宮劃開赤帝怒喝出六龍奔日馭下土熬熬若一作苦

煎煮蒼生惶惶無處處火雲崢嶸焚汰寥東臯老農腸
欲焦何當一雨蘓我苗為君擊壤歌帝堯

苦寒行

冰峰撐空寒矗矗雲凝水凍埋海陸殺物之性傷人之
慾既不能斷絕蒺藜荆棘之根株又不能展鳳凰麒麟
之拳跼如此則何如為和煦為膏雨自然天下之榮枯
融融於萬戶

春風曲

春風有何情旦暮來林園不問桃李主吹落紅無言

城中懷山友

春城來往桃李碧煖艷紅香斷消息吾徒自有山中鄰

白晝冥心坐嵐壁

讀李賀歌集

赤水無精華荆山亦枯槁
玄珠與虹玉璨璨李賀抱清
晨醉起臨春臺吳綾蜀錦胸襟開
狂多兩手掀蓬萊珊瑚掇盡空土堆

風琴引

按吳絲雕楚竹高託天風拂為曲
一一宮商在素空鸞鳴鳳語翹
梧桐夜深天碧松風多孤窗寒
夢驚流波愁

魂傍枕不肯去翻疑住處鄰湘娥金

薰一作

風聲盡薰一作

金風發冷泛虛堂韻難歇常恐聽多耳漸煩清音不絕
知音絕

夏雲曲

紅嵯峨爍晚波乖龍慵卧旱鬼多熾熾萬里壓天塹颺
雷電光空閃閃好雨不雨風不風徒倚穹蒼作巖險男
巫女覲更走魂焚香祝天天不聞天若聞必能使爾爲
潤澤洗埃氛而又變之成五色捧日輪將以表唐堯虞

舜之明君

讀李白集

竭雲濤剗巨鼇搜括造化空牢牢冥心入海海神怖驪
龍不敢爲珠主人間物象不供取飽飲

一作飯

遊神向懸

圃鏘金鏗玉千餘篇膾吞炙嚼人口傳須知一一丈夫
氣不是綺羅兒女言

祈真壇

玉甕瑤壇二三級學仙弟子參差入霓旌隊仗下不下

松檜森森天露濕殿前寒氣束香雲朝祈暮禱玄元君
茫茫俗骨醉更昏樓臺十二遙崑崙崑崙縱廣一萬二
千里中有五色雲霞五色水何當斷慾便飛去不要九
轉神丹換精髓

黃雀行

雙雙野田雀上下同飲啄暖去栖蓬蒿寒歸傍籬落殷
勤避羅網乍可遇鷓鴣雖不仁分明在寥廓

石竹花

石竹花開照庭石紅蘚自稟離宮色一枝兩枝初笑風
猩猩血潑低低叢常嗟世眼無真鑒却被丹青苦相陷
誰爲根尋造化功爲君吐出淳元膽白日當午方盛開
彤霞灼灼臨池臺蘂香濃艷如未已粉蝶遊蜂狂欲死

寄南岳白蓮道士能于長嘯

猿猱休啼月皎皎蟋蟀不吟山悄悄大耳仙人滿頷鬚
醉倚長松一聲嘯

古劍歌

古人手中鑄神物百鍊百淬始提出今人不要強研磨
蓮鏹星文未曾沒一彈一撫聞錚錚老龍影奪秋燈明
何時得遇英雄主用爾平治天下去

湘妃廟

湘煙濛濛湘水急汀露凝紅裛蓮濕蒼梧雲疊九嶷深
二女魂飛江上立相攜泣鳳蓋龍輿追不及廟荒松朽
啼飛猩筓鞭迸出階基傾黃昏一岸陰風起新月如眉
生闊水

巫山高

巫山高巫女妖雨為暮兮雲為朝楚王顛顛魂欲銷秋
猿嗥嗥日將夕紅霞紫煙凝老壁千巖萬壑花皆拆但
恐芳菲無正色不知今古行人行幾人經此無秋情雲
深廟遠不可覓十二峰頭插天碧

贈持法華經僧

衆人有口不說是即說非吾師有口何所為蓮經七軸
六萬九千字日日夜夜終復始乍吟乍諷何悠揚風篁

古松含秋霜但恐天龍夜又乾闥衆福塞虛空耳皆聳
我聞念經功德緣舌根可算一作等金剛堅他時劫火洞
燃後神光璨璨如紅蓮受持身心苟精潔尚能使煩惱
大海水枯竭魔王輪幢自摧拆何況更如理行如理說

剗腸龜

爾既能於靈應久存其生爾既能於瑞胡得迷其死剗
腸徒自屠曳尾復何累可憐濮水流一葉泛莊子

贈巖居僧

石如騏驎巖作室秋苔漫壇淨於漆袈裟蓋頭心在無
黃猿白猿啼日日

觀李瓊處士畫海濤

巨鼇轉側長鱗翻狂濤顛浪高漫漫李瓊奪得造化本
都盧縮在秋毫端一揮一畫皆筋骨滉漾崩騰大鯨臬
葉撲仙槎擺欲沉下頭應是驪龍窟昔年曾要涉蓬瀛
唯聞撼動珊瑚聲今來正歎陸沉久見君此畫思前程
千尋萬派功難測海門山小濤頭白令人錯認錢塘城

羅刹石底奔雷霆

昇天行

身不沉骨不重驅青鸞駕白鳳幢蓋飄搖

飄一作

入冷空

天風瑟瑟星河動瑶闕參差阿母家樓臺戲閉凝彤霞
三五仙子乘龍車堂前碾爛蟠桃花迴頭却顧蓬萊頂
一點濃嵐在深井

還人卷

李白李賀遺機杼散在人間不知處聞君收在芙蓉江

日鬪鮫人織秋浦金梭劄劄文離離吳姬越女羞上機
鴛鴦浴煙鸞鳳飛澄江曉映餘霞輝仙人手持玉刀尺
寸寸酬君珠與璧裁作霞裳何處披紫皇殿裏深難一作
相覓

輕薄行

玉鞭金鐙驕騶蹄橫眉吐氣如虹霓五一作陵春暖芳

草齊笙歌到處花成泥日沉月上且鬪雞醉來莫問天

高低伯陽道德何唾噉一作涕一作唾仲尼禮樂徒卑栖

浮雲行

大野有賢人大朝有聖君如何彼浮雲掩蔽白日輪安
得東南風吹散八表外使之一本無天下人共見堯眉

彩

煌煌京洛行

聖君垂衣裳蕩蕩若朝旭大觀無遺物四夷來率服清
晨迴北極紫氣蓋黃屋雙闕聳雙螭九門如川瀆梯山
航海至晝夜車相續我恐紅塵深變為黃河曲

弔汨羅

落日倚闌干徘徊汨羅曲冤魂如可弔煙浪聲似哭我
欲考鼃鼃之心烹魚龍之腹爾既啖大夫之血食大夫
之內千載之後猶斯暗一作藏伏將謂唐堯之尊還如荒

悴一作醉之君更有逐臣於焉葬魂得以縱其噬恣其吞

贈念法華經僧

念念念兮入惡易念念念兮入善難念經念佛能一般
愛河竭處生波瀾言公少年真法器白晝不出夜不睡

心心緣經口緣字一室寥寥燈照地沉檀卷軸寶函盛

簷蔔香熏水精記空山木落古寺閒松枝鶴眠霜霰乾

牙根舌根水滴寒珊瑚槌打紅琅玕但恐蓮花七朶一

時折朶朶似君心地白

一作簇攢

又恐天風

一作風緊

吹天花續

紛如雨飄袈裟況聞此經甚微妙百千諸佛真祕要靈

山說後始傳來聞者雖多持者少更堪誦入陀羅尼

此云

總持唐音梵音相雜時舜絃和雅薰風吹文王武王絃更

悲如此爭不遣碧空中有龍來聽有鬼來聽亦使人間

聞者敬見者敬自然心虛空性清淨此經真體即毘盧

此云種
種光

雪嶺白牛君識無

短歌寄鼓山長老

第十一
句
缺一字

雪峰雪峰高且雄
峩峩堆積青冥中
六月赤日燒不鎔
飛禽瞥見人難通
通常聞中有白象王
五百象子皆威光
行圍坐遶同一色
森森影動旃檀香
於中一子最雄猛
稱尊獨踞鼓山頂
百千眷屬陰影身
照曜吞秋景
裁聞岷國民歸依
前王後王皆師資
寧同梁武遇達磨
過

後彈指空傷悲

漁父

夜釣洞庭月朝醉巴陵市却歸君山下魚龍窟邊睡生
涯在何處白浪千萬里曾笑楚臣迷蒼黃汨羅水

採蓮曲

越溪女越江蓮齊齒雙嬋娟嬉遊向何處採摘且同
船浩唱一作歌發容與清波生漪漣時逢島嶼泊幾共鴛

鴛眠襟袖既盈溢馨香亦相傳薄暮歸去來苧蘿生碧

煙

啄木

啄木啄啄鳴林響
竅貪心既緣利嘴斯鑿
有朽百尺微蟲斯宅以
啄去害啄更彌劇層崖
豫章聳榦蒼蒼無縱爾
啄摧我棟梁

靈松歌

靈松靈松是何根
株盤擗枝榦與羣木殊
世眼爭知蒼翠容
薜蘿遮體深朦朧
先秋瑟瑟生谷風
青陰倒卓寒

潭中八月天威行肅殺萬木凋零向霜雪唯有此松高
下枝一枝枝在無摧折癡凍頑冰如鐵堅重重鎖到槎
牙顛老鱗枯節相把捉踉蹌立在青崖前有時深洞興
雷電飛電繞身光閃爍乍似蒼龍驚起時攫霧穿雲欲
騰躍夜深山月照高枝疎影細落莓苔磯千年朽枿魁
颯出一株寒韻鏘琉璃安得良工妙圖腹寫將偃蹇懸
煙閣飛瀑聲中戰歲寒紅霞影裏擎蕭索

蠹

蠹不自蠹而蠹于木蠹極木心以豐爾腹偶或成之胡
為勛人人而不真繇爾亂神蠹兮蠹兮何全其生無託
爾形霜松雪檜

行路難

行路難君好看驚波不在黠黠間小人心裏藏崩湍七
盤九折寒膏萃翻車倒蓋猶堪出未似是非脣舌危閣
中潛毀平人骨君不見楚靈均千古沉寃湘水濱又不
見李太白一朝却作江南客

謝徽上人見惠二龍障子以短歌酬之

我見蘇州崑山金城中金城柱上有二龍老僧相傳道
是僧繇手尋常入海共龍鬪又聞蜀國玉局觀有孫遇
跡盤屈身長八十尺遊人爭看不敢近頭覩寒泉萬丈
碧近有五羊徽上人間工小筆得意新畫龍不誇頭角
及鬚鱗只求筋骨與精神徽上人真藝者惠我雙龍不
言價等閒不敢將懸挂恐是葉公好假龍及見真龍却

驚怕

送人往長沙

荆門歸路指湖南千里風帆興可諳
好聽鷓鴣啼雨處木蘭舟晚泊春潭

偶題

時事嬾言多忌諱野吟無主若縱橫
君看三百篇章首何處分明著姓名

寄山中叟

青泉碧樹夏風涼紫巖紅粳午爨香
應笑晨持一盃苦

腥羶市裏叫家常

贈琴客

曾攜五老峰前過
幾向雙松石上彈
此境此身誰更愛
掀天羯鼓滿長安

勉吟僧

千一作萬途萬轍亂真源
白晝勞形夜斷魂
忍著袈裟把

名紙學他低折五侯門

送人歸華下

蓮花峰翠濕凝秋
舊業園林在下頭
好束詩書且歸去
而今不愛事風流

夏日城中作二首

三面僧鄰一面牆
更無風路可吹涼
他年捨此歸何處
青壁紅霞裹石房

竹低莎淺雨濛濛
水檻幽窗暑月中
有境牽懷人不會
東林門外翠橫空

默坐

燈引飛蛾拂焰迷
露淋栖鶴壓枝低
冥心坐滿蒲團穩
夢到天台過剡溪

水邊行

身著袈裟手杖藤
水邊行止不妨僧
禽栖日落猶孤立
隔浪秋山千萬層

寄鄭谷郎中

人間近遇風騷匠
鳥外曾逢心印師
除此二門無別妙
水邊松下獨尋思

翡翠

水邊飛去青難辨竹裏歸來色一般磨吻鷹鷂莫相害
白鷗鴻鶴滿沙灘

與節供奉大德遊京口寺留題

柳岸晴緣十里來水邊精舍絕塵埃煮茶嘗摘興何極
直至殘陽未欲迴

謝荆幕孫郎中見示樂府歌集二十八字

長吉才狂太白顛二公文陣勢橫前誰言後代無高手

奪得秦皇鞭鬼鞭

謝陰符經勉送藏休上人二首

事遂鼎湖遺劍履時來渭水擲魚竿
欲知賢聖存亡道自向心機反覆看

一林霜雪未霑頭爭遣藏休肯便休
學盡世間難學事始堪隨處任虛舟

幽齋偶作

幽院纔容箇小庭疎篁低短不堪情
春來猶賴鄰僧樹

時引流鶯送好聲

贈念法華經僧

萬境心隨一念平
紅芙蓉折愛河清
持經功力能如是
任駕白牛安穩行

對菊

無艷無妖別有香
栽多不為待重陽
莫嫌醒眼相看過
却是真心愛澹黃

閉門

正是閉門爭合閉大家開處不須開
還防朗月清風夜有箇詩人相訪來

勉送吳國三五新戒歸

法王遺制付仁王
難得難持劫數長
努力只須堅守護
三千八萬是垣牆

夏日寄清溪道者

老病不能求藥餌
朝昏祇是但焚燒
不知誰為收灰骨
纍石栽松傍寺橋

送惠空北遊

君向峴山

陽一作

遊聖境我將何以記多才叮嚀墮淚碑

前過寫取斯文寄我來

寄懷歸州馬判官

三年為倅興何長歸計應多事少忙又見秋風霜裛樹
滿山椒熟水雲香

觀荷葉露珠

霏微曉露成珠顆宛轉田田未有風任器方圓性終在

不妨翻覆落池中

苦熱懷玉泉寺寄仁上人

火雲如燒接蒼梧原野煙連大澤枯
謾費葛衫葵扇力
爭禁泉石潤肌膚

觀盆池白蓮

素萼金英歎露開倚風凝立獨徘徊
應思潋灩秋池底
更有歸天伴侶來

折楊柳詞四首

鳳樓高映綠陰陰凝重多含雨露深莫謂一枝柔軟力
幾曾牽破別離心

館娃宮畔響廊前依託吳王養翠煙
劒去國亡臺殿一作
榭毀却隨紅樹噪秋蟬

穠低似中陶潛酒軟極如傷宋玉風多謝將軍
遠營種翠中間卓戰旗紅

高僧愛惜遮江寺遊子傷殘露野橋
爭似著行垂上苑碧桃紅杏對搖搖

答長沙丁秀才書

月月便

一作使

車奔帝闕年年貢士過荆臺如何三度槐

花落未見故人攜卷來

戒小師

不肯吟詩不聽經
禪宗異岳嬾遊行
他年白首當人問
將底言談對後生

題舊拄杖

末句缺三字

親採匡廬瀑布西
層崖懸壁更安梯
攜行三十年吟伴

未有詩人

酬歐陽秀才卷

第二句
缺一字

三十篇多十九章
聲風力撼疎篁不堪更有精搜處
誰見蕭蕭雨夜堂

聞

一作
雁

瀟湘浦

一作
水

暖全迷鶴邏沙
寒只有鷗誰向孤舟憶

兄弟坐看連鴈度橫橋

送高麗二僧南遊

日邊鄉井別年深
中國靈蹤欲徧尋
何處碧山逢長老
分明認取祖師心

謝猿皮

貴向獵師家買得攜來乞與坐
禪牀不知摘月秋潭畔
曾對何人啼斷腸

酬光上人

禪言難後到詩言坐石心
同立月魂應記前秋會
吟處五更猶在老松根

送僧歸日本

日東來向日西遊一鉢閒尋徧九州却憶雞林本師寺
欲歸還待海風秋

庚午歲十五夜對月

海澄空碧正團圓吟想玄宗此夜寒玉兔有情應記得
西邊不見舊長安

紅薔薇花

晴日當樓曉香歇錦帶盤空欲成結鶯聲漸老柳飛時

狂風吹落猩猩血

貽九華上人

一法傳聞繼老能
九華閒卧最高層
秋鐘盡後殘陽暝
門掩松邊雨夜燈

寄賡匡圖兄弟

僧外閑吟樂最清
年登八十喪南荆
風騷作者爲商確
道去碧雲爭幾程

句

春晴游寺客花落閉門僧

見西清詩話

香傳天下口

貴

火前名角開香滿室爐動綠凝鐺

咏茶缺一字

園林將向

夕風雨更吹花

以下見吟齋雜錄

相思坐溪石

山風

缺三字

夕照背高臺殘鐘殘角催

落照

五老峰前相見

時兩無言語各揚眉

高人愛惜藏岩裏白甌封題寄

火前

咏茶見三山老人語錄

御定全唐詩卷八百四十七